

DEIZ A VLOAS

AN AUTROU AN DUC D'ORLEANS.

1843.

Eur bloas a zo dija!... O deiz qer glac'harus!
O trizec a Vouere, devez meurbet eûzus!
E pini e teujout, gant ar brassa counnar,
Da ziscar hor Prinç mad, Maro cris ha barbar!...
Eur Prinç, joa ar Franç oll, hac a voa qer caret!
Qement den zo en Franç a gar en lavaret.
Qer mad, qen douç e voa! Sônjomp atao ennàn,
Evel güir Francisien, qeit' ma vimp er bed-màn.

C'houi, dreist oll, soudarded, a garrie 'vel breudeur:
Beza ganêc'h a voa evitàn e voneur.
Plijadur a zante o veza en ho touez.
Peguer joaüs e voac'h, p'ellec'h clêvet e vouez!

Conservomp en hor c'hreiz e peb amzer memor
Demeus eur Prinç qer mad ha scoüer eus an enor.

Oh ! na pebes maleur ha pebes qer bras coll !
Eur prinç a voa caret gant ar Francisien oll !
Eur mignon hac un tad hon eus collet ennàn ;
Stoùomp d'urzou Doue : emâ en ên breman ,
O pedi calonec ar C'hrouer souveren
Da scuill' e vadelez var an oll Francisien.
Ah ! credomp oll penos pedennou qer santel
A vezo exaucet a bers an Eternel.

Beillit atao varnomp , ô Prinç qement qezuiet !
Ho memor da viqen en Franç vo beniguet.
Evit ma vezimp dign eus ar Prinç a gueuzomp ,
Evel güir Francisien , oll en em unanomp.
Caromp , ni , Bretonet , a galon hor mam-bro :
Bezomp dezi fidel atao bete'r maro.

Un dever sacr hon eus da renta oll breman ,
Da vemor ar Prinç mad hon eus collet zo bloa.
Ar bêvar a vis Eost , e tezir ar Roue
En em rentfemp en caon ebars e templ Doue ,
Gant devotion vras hac eur feiz calonec ,
Da bedi gant fervor hor Mestr oll-galloudec ,
Evit repos ene an Duc a Orleans ,
Anlevet , eur bloas zo , da garantez ar Franç.

D'an dezir qer just-se , qen tenerus d'un tad ,
En em ampessomp oll demeus a galon vad
D'en em renta hep manq en deiz-se en ilis ,
Ha gant devotion d'asista en ofiç.
Dirac an tabernacl , eno neuze rentet ,
Pedomp vit ar Prinç mad , allas ! hon eus collet ;
Pedomp evit e c'hoar , ur brinces voa qer mad !
Collet evit ar Franç , gant qer bras calonad !

Imploromp a galon misericord Doue
Evit ar Rouanez hac evit ar Roue ,
Evit o oll famill ; ha graç d'ar Brovidanç
Da laqat rën atao an union en Franç !

